



Na osnovu odluka o potrebi zapošljavanja 2 nova radnika na neodređeno vrijeme i 1 pripravnika na određeno vrijeme, Javno preduzeće Elektroprivreda Bosne i Hercegovine d.d.-Sarajevo objavljuje

O G L A S za zapošljavanje 3 nova radnika u Direkciji Društva

Javno preduzeće Elektroprivreda Bosne i Hercegovine d.d.-Sarajevo objavljuje Oglas za zapošljavanje 2 radnika na neodređeno vrijeme i 1 pripravnika na određeno vrijeme u Direkciji Društva.

Zapošljavanje novih radnika i pripravnika će se izvršiti na sljedećim radnim mjestima:

- 1. Stručni saradnik za radno-normativne i ostale kadrovske poslove, u Sektoru za kadrovske poslove, 1 izvršilac na neodređeno vrijeme, sa mjestom rada u Sarajevu;**
- 2. Konobar, u Službi za opće poslove, 1 izvršilac na neodređeno vrijeme, sa mjestom rada u Sarajevu i**
- 3. Stručni saradnik za dnevne operacije, u Sektoru za upravljanje i trgovinu, 1 izvršilac na određeno vrijeme u trajanju od 12 mjeseci-pripravnik, sa mjestom rada u Sarajevu, koje uključuje rad u smjeni odnosno turnusu.**

Na poziciji pod rednim brojem 1. Stručni saradnik za radno-normativne i ostale kadrovske poslove, između ostalih poslova, obavljaju se i sljedeći poslovi:

- prati zakonske i druge propise iz domena radnih odnosa, te predlaže usklađivanje općih akata Društva sa istim,
- učestvuje u izradi općih i pojedinačnih akata Društva iz domena radnih odnosa i kadrovskih poslova,
- daje stručna pravna mišljenja u pitanjima koja proizilaze iz zakona, podzakonskih propisa i općih akata Društva kojima se regulišu kadrovski poslovi i radni odnosi,
- učestvuje po potrebi u zastupanju Društva pred sudovima u postupcima po tužbama radnika.

Na poziciji pod rednim brojem 2. Konobar, između ostalih poslova, obavljaju se i sljedeći poslovi:

- prati i planira potrebe za nabavkom sredstava i materijala potrebnih za rad bifea,
- organizuje rad bifea,
- vrši pripreme za posluženja radnika i gostiju,
- radi i druge poslove iz djelokruga bifea.

Na poziciji pod rednim brojem 3. Stručni saradnik za dnevne operacije, između ostalih poslova, obavljaju se i sljedeći poslovi:

- upravljanje pogonom proizvodnih kapaciteta u realnom vremenu (*real-time* vođenje elektrana, pružanje pomoćnih usluga, održavanje potrebne rezerve u proizvodnim kapacitetima),
- realizacija i usklađivanje dnevnih rasporeda (voznih redova) sa realnim prilikama u elektro-energetskom sistemu,
- prikupljanje srednje-satnih i dnevnih vrijednosti potrošnje, proizvodnje, isporuka/nabavke električne energije i vrijednosti ostalih parametara utvrđenih u dnevnoj dispečerskoj listi za evidenciju podataka,
- provođenje aktivnosti na *intra-day* trgovini (prodaja/kupovina) električne energije,
- obezbjeđenje prekograničnih prijenosnih kapaciteta u funkciji *intra-day* trgovine,

- provođenje aktivnosti na nominaciji kapaciteta/energije na *intra-day* osnovi u okviru sistema obezbjeđenja pomoćnih usluga u BiH,
 - u saradnji sa Nezavisnim operatorom sistema u BiH (NOS BiH) obezbjeđenje beznaponskog stanja postrojenja uz elektrane radi održavanja opreme, ili drugih potreba,
 - upravljanje prijenosnom mrežom koja je od strane NOS BiH dodijeljena u nadležnost upravljanja JP Elektroprivreda BiH.
-

Pored općih uvjeta utvrđenih zakonom, kandidati za poziciju 1. **Stručni saradnik za radno-normativne i ostale kadrovske poslove** treba da ispunjavaju i posebne uvjete i to:

- da su državljani BiH,
- da posjeduju visoku stručnu spremu, pravne struke,
- da su visoku stručnu spremu stekli završetkom najmanje prvog ciklusa studija u skladu sa Okvirnim zakonom o visokom obrazovanju u Bosni i Hercegovini koji je vrednovan sa najmanje 180 ECTS bodova, ili završetkom fakulteta u skladu sa propisima koji su se primjenjivali prije početka primjene Okvirnog zakona o visokom obrazovanju u Bosni i Hercegovini,
- da vladaju pasivnim znanjem stranog jezika i
- da imaju najmanje 1 godinu radnog iskustva na poslovima pravne struke, nakon sticanja tražene stručne spreme.

Kao dokaz o ispunjavanju uvjeta, kandidati su dužni u originalu ili ovjerenoj kopiji dostaviti sljedeću dokumentaciju:

- potpisanu prijavu na Oglas,
 - biografiju/CV,
 - uvjerenje o državljanstvu (ukoliko na obrascu nema naznake da je bez roka važenja, isti ne može biti stariji od 6 mjeseci),
 - diplomu visoke stručne spreme tražene struke (Napomena: Nije dovoljno dostaviti samo diplomu drugog ciklusa studija. Kandidati koji dostavljaju diplomu drugog ciklusa studija, dužni su dostaviti i diplomu prvog ciklusa studija),
 - potvrdu, uvjerenje ili drugi dokaz o traženom radnom iskustvu,
 - potvrdu, uvjerenje, certifikat ili drugi dokaz o traženom znanju stranog jezika i
 - prijavu mjesta prebivališta/CIPS.
-

Pored općih uvjeta utvrđenih zakonom, kandidati za poziciju 2. **Konobar** treba da ispunjavaju i posebne uvjete i to:

- da su državljani BiH,
- da posjeduju srednju stručnu spremu III stepena, konobarske struke,
- da imaju najmanje 6 mjeseci radnog iskustva na istim ili sličnim poslovima, nakon sticanja tražene stručne spreme.

Kao dokaz o ispunjavanju uvjeta, kandidati su dužni u originalu ili ovjerenoj kopiji dostaviti sljedeću dokumentaciju:

- potpisanu prijavu na Oglas,
 - biografiju/CV,
 - uvjerenje o državljanstvu (ukoliko na obrascu nema naznake da je bez roka važenja, isti ne može biti stariji od 6 mjeseci),
 - diplomu srednje stručne spreme tražene struke,
 - potvrdu, uvjerenje ili drugi dokaz o traženom radnom iskustvu i
 - prijavu mjesta prebivališta/CIPS.
-

Pored općih uvjeta utvrđenih zakonom, kandidati za poziciju 3. **Stručni saradnik za dnevne operacije-pripravnik, treba da ispunjavaju i posebne uvjete i to:**

- da su državljani BiH,
- da posjeduju visoku stručnu spremu elektrotehničke struke, energetskog smjera,
- da su visoku stručnu spremu stekli završetkom najmanje prvog ciklusa studija u skladu sa Okvirnim zakonom o visokom obrazovanju u Bosni i Hercegovini koji je vrednovan sa najmanje 240 ECTS bodova, ili završetkom fakulteta u skladu sa propisima koji su se primjenjivali prije početka primjene Okvirnog zakona o visokom obrazovanju u Bosni i Hercegovini
- da vladaju pasivnim znanjem stranog jezika i
- da do sada nisu obavili pripravnički staž, odnosno da nemaju radno iskustvo od 1 godine u traženoj stručnoj spreml.

Kao dokaz o ispunjavanju uvjeta, kandidati su dužni u originalu ili ovjerenoj kopiji dostaviti sljedeću dokumentaciju:

- potpisanu prijavu na Oglas,
- biografiju/CV,
- uvjerenje o državljanstvu (ukoliko na obrascu nema naznake da je bez roka važenja, isti ne može biti stariji od 6 mjeseci),
- diplomu visoke stručne spreml tražene struke, sa obaveznim dodatkom diplomi koji sadrži prepis ocjena (Napomena: Nije dovoljno dostaviti samo diplomu drugog ciklusa studija. Kandidati koji dostavljaju diplomu drugog ciklusa studija, dužni su dostaviti i diplomu prvog ciklusa sa obaveznim dodatkom prepisa ocjena),
- potvrdu, uvjerenje, certifikat ili drugi dokaz o traženom znanju stranog jezika,
- izjavu ovjerenu od nadležnog općinskog organa da do sada nisu obavili pripravnički staž, odnosno da nisu stekli radno iskustvo u traženoj struci u trajanju od 1 godine (izjava se daje pod materijalnom, moralnom i disciplinskom odgovornošću) i
- prijavu mjesta prebivališta/CIPS.

Bez obzira na koju poziciju se prijavljuju, kandidati koji su bili zaposleni kao pripravnici ili na određeno vrijeme u JP Elektroprivreda BiH d.d.-Sarajevo ili koji su bili stipendisti JP Elektroprivreda BiH d.d.-Sarajevo, dužni su u dokumentaciji dostaviti dokaz o toj činjenici.

Rok za podnošenje prijave je 8 dana od dana objavljivanja oglasa. Kandidati prijave dostavljaju u zatvorenoj koverti, pri čemu su na koverti obavezni naznačiti poziciju za koju se prijavljuju.

Sa kandidatima koji se prijave na pozicije pod rednim brojem 1. i pod rednim brojem 3. obaviti će se pismeni ispit, kao i usmeni ispit sa onim kandidatima koji polože pismeni ispit.

Sa kandidatima koji se prijave na poziciju pod rednim brojem 2. obaviti će se usmeni ispit.

O vremenu, mjestu i načinu održavanja pismenih i usmenih ispita kandidati će biti blagovremeno obaviješteni.

Kandidati koji budu izabrani biće upućeni na ljekarski pregled radi utvrđivanja njihovog zdravstvenog stanja i radne sposobnosti za obavljanje poslova radnog mjesta.

Prijava sa potrebnom dokumentacijom, lično ili putem pošte, dostavlja se, na adresu:

JP Elektroprivreda BiH d.d.-Sarajevo

Sektor za kadrovske poslove

„Oglas za zapošljavanje novih radnika u Direkciji Društva, pozicija _____

71000 Sarajevo, Vilsonovo šetalište 15

Nepotpune, neblagovremene i neuredne prijave neće se razmatrati.

Kandidati će biti pismeno obaviješteni o ishodu oglasa, a priložena dokumentacija neće se vraćati.